




Wie Chriemhilt mit ir man  
 zer hochgerite furen.

XIII. Auenture.

**U**

lle ir vnuoze. die lazen wir no sin.  
 vnt sagen id wie Chriemhilt. vnt ovch ir magedin.  
 zer hochgerite fvoeren. von Nibelunge lant.  
 nie getrugen möre. so manic herlich gewant.



Vil der leit schrine. man schihte zu den wegen.  
do reit mit sinen friwindin. Sivrit der degen.  
vnt ouch diu kuniginne. vñ hoher freuden wan.  
ir freude moße leider. mit grozem iamer sit zergan.

Daheime si do liezen. ir beider kindelin.  
beliben in ir landen. daz moos et also sin.  
von ir hove reise. erstunden starcho ser.  
vater vnt mvoter. gefach daz kindel nimmer mer.

Da mite reit der herre. der kunic Sigemunt.  
solder der getrowen. wie ez im nach der stunt.  
zer hochgecite ergienge. ern het ir niht gesehen.  
ia chunde im inder werlde. leider nimmer geschehen.

Goten man for sande. die diu märe sagten dar.  
do reit ouch in engegene. mit maniger liechten schar.  
vil der goten degene. der Gunthers man.  
der wirt sich gegen den gesten. sere vlizen began.

Er gie zu Prunhilde. da er si sizen vant.  
wie enpfie et ouch min swester. do ir chomet indaz lant.  
sam solt ouch ir enpfahen. daz Sivrides wip.  
daz ton ih sprach diu frowe. daz hat verschuldet wol ir lip.

Do sprach aber Gunther. si choment vns morgen fruo.  
nu ir si welt enpfahen. da grifet balde zuo.  
daz wir ir inder büрге. niht erbiten hie.  
mir chom inmanigen ziten. so rehte lieber geste nie.

Ir meide vnt ouch ir frowen. die hiez si do zehant.  
svchen gotiv chleider. die besten die man vant.  
die si wol mit eren. vor gesten mohten tragen.  
wie gern si daz täten. daz mac man lihte gesagen.

Ovch ilten in do dienen. die Guntheres man.  
alle sine degene. der wirt zu sich gewan.  
da reit die kuniginne. mit ir frowen mite.  
gegen den lieben gēsten. al nach fruntlichem site.

Mit wie getanen eren. man die geste enpfie.  
si dohte daz frow Chriemhilt. Prunhilt nie.  
so rehte wol enpfenge. in Burgonden lant.  
die si e' niene gesehen. den wart vil hoher mvot erchant.

Nu was ovch komen Sivrit. mit den sinen man.  
man sach die helde wenden. wider vnt dan.  
des veldes allenthalben. mit vngefogen scharn.  
dringen vnt stovben. chunde niemen da bewarn.

Do der wirt des landes. Sivriden sach.  
vnt ovch Sigemunden. wie gutlicher sprach.  
nu sit mir groze willechomen. vnt al den vruunden min.  
der iwer hovereise. soln wir hochgemote sin.

Nu lone in got sprach Sigemunt. der ere gernder man.  
sit daz ich min sun Sivrit. zefründe gewan.  
do rieten mine sinne. daz ich ich solde sehn.  
do sprach der wirt zem gaste. nu ist mir liebe dran gesehen.

Sivrit wart enpfangen. als in daz wol gesam.  
mit vil grozen eren. in was da niemen gram.  
des half mit grozen zvhten. Giselher vnt Gernot.  
ich wāne man ez gēsten. nie so minneklich erbot.

Do nahten zuo zein ander. der zweier kunige wip.  
da wart vil sätel läre. maniger schonen frowen lip.  
wart von rechen handen. erhaben uf daz gras.  
die frowen gerne dienten. was der mit vnuozen was.

Do giengen zwo zein ander. div minneklichen wip.  
des was ingrozen freuden. vil maniges rechen lip.  
daz ir beider grozen. so schone wart getan.  
do sahe man vil der degene. mit zohten bi den frowen stan.

Daz herrenlich gesinde. sich niengen bi der hant.  
inzohnten groze nigen. des man vil da vant.  
vnt chussen minnekliche. von frowen wolgetan.  
daz was liep zesehene. den kunigen vnt ir beider man.

Sine biten da niht langer. si riten zw der stat.  
der wirt den sinen gesten. daz wol erzeigen bat.  
daz man si gerne sahe. in Burgonden lant.  
vil manigen pvenez richen. man vor den iunefrowen vant.

Dzer Tronege Hagene. vnt och Ortewin.  
daz si gewaltich waren. daz wart da vil wol schin.  
swaz si gebieten wolden. daz torste niemen lan.  
von in wart michel dieneft. den edeln gesten getan.

Vil schilde hort man schellen. da zem burgetor.  
von stichen vnt von stozen. vil lange habt der vor.  
der wirt mit sinen gesten. e' daz si komen drin.  
ia gie in div stunde. mit vil grozen vreden hin.

Fur den palas richen. mit freuden si do riten.  
vil manigen pfellel spahen. rich vnt wol gesniten.  
sach man vber satele. den frowen wolgetan.  
allenthalben hangen. do chomen Guntheres man.

Die hiezen si do foren. balde an ir gemach.  
vnder wilten blichen. man Prvnhilde sach.  
an frowen Chriemhilt. div schone was genvoch.  
ir varwe gegen dem glanze. den schin vil herlichen trooch.

Allenthalben schallen. ze Wormez in der stat.  
hort manz gesinde. der wirt den marschalch bat.  
Danchwart Hagenen broder. er solde ir selbe pflegen.  
do begunder das gesinde. harte gotliche legen.

Da vze vnt ovch dar inne. spisen man si lie.  
ez enwart deheiner geste. baz gepflegen nie.  
alles daz si wolden. des was man in bereit.  
der chunich was so riche. daz da wart niemen niht verseit.

Man dient in fruntliche. vnt ane allen haz.  
der wirt do zetische. mit sinen gesten saz.  
do mose sizzen Sivrit. als er e' het getan.  
mit im gie zetische. vil manic wätlicher man.

Einlife hundert rechen. an dem ringe sin.  
mit im zem ezzen sazzen. Prvnhilt div kunigin.  
gedaht das eigen holde. niht richer chunden wesen.  
si was im noch so wäge. daz si in gerne lie genesn.

Alda der wirt mit frevden. mit sinen gesten saz.  
vil der richen chleider. wart von wine naz.  
da die schenchen solden. zu den tischen gan.  
da wart vil voller dieneft. mit grozem willen getan.

So man zehochgeciten. lange hat gepflegen.  
frowen vnt meide. hiez man schone legen.  
von swannen si dar chomen. der wirt in willen trooch.  
mit vil grozen zuhten. man gab in allen genvoch.

Do div naht het ende. vnt das der tac erschein.  
vz den leit schrynen. vil manic edel stein.  
erluht inguter wäte. die rvorte frowen hant.  
do wart dar for gesuochet. vil manic herlich gewant.

E' daz es vol ertagete. do chomen fur den sal.  
vil ritter vnt knechte. do hoop sich aber schal.  
vor einer frvo messe. die man dem kunige sanch.  
da riten iunge degene. daz mans in mose sagen danch.

Evot vnt ane mase. manic pufvon erdos.  
von trumben vnt floyten. wart der schal so gros.  
daz Wormes div vil wite. darnach vil lote erschal.  
die hochgemvoten degene. zen roffen chomen vber al.


Do hoop sich indem lande. harte hoh ein spil.  
von manigem goten degene. der was da harte vil.  
den ir tombiv hercen. rieten hohen mvot.  
der sah man vnder schilde. manigen zieren rechen gvot.

Indiv venster fazen. div herlichen wip.  
vnt vil der schonen magede. gesieret was ir lip.  
si sahen kurzewile. von manigem chynem man.  
der wirt mit sinen degenen. selbe riten da began.

Also vergie ir wile. div dohte si niht lanc.  
do horte man zem toome. vil maniger glocken chlanch.  
do chomen in die more. die frowen riten dan.  
den edeln kuniginnen. volget vil manic chune man.

Si stunden vor dem mvnster. nider vf daz gras.  
Prunhilt ir gesten. dannoch vil wäge was.  
si giengen vnder chrone. indaz mvnster wit.  
div liebe wart sit gescheiden. daz frumte grözlicher nit.

Do si gehorten messe. si fuoren wider dan.  
mit vil grozen zvhten. man sach si sider gan.  
zetische minnekliche. ir fredde nie gelach.  
da zer hochgecite. vnz an den einliften tac.



Do gedaht die kuniginne. ine mac niht langer dagn.  
swie ich das gefuge. Chriemhilt mu; mir sagen.  
warumbe vns also lange. den zins versezzen hat.  
ir man derst unser eigen. der vrage han ich cheinen rat.

Sus warte si der wile. als ez der tiufel riet.  
die freoude vnt ouch die hohgecit. mit iamer si do schiet.  
das ir lach amme hercen. zeliicht ez muose chomen.  
des wart inmangen landen. von ir iamers vil vernomen.

